

Page: 12

Reach: 0

Country: BOSNIA AND HERZEGOVINA

Size: 112 cm2

1 / 1



## Mensur Đakić uhapšen u Brčkom

Po nalogu tužitelja iz Posebnog odjela za ratne zločine Tužiteljstva BiH, policijski djelatnici Policije distrikta Brčko, lišili su slobode osumnjičenog Mensura Đakića, rođenog 1949. u Brčkom, državljanina BiH.

Osumnjičeni je pod istragom Tužiteljstva BiH i tereti se da je za vrijeme rata u BiH, kao zapovjednik 1. bataljona 108. brigade HVO-a Brčko, postupao u suprotnosti sa odredbama Ženevskih konvencija o zaštiti civilnih lica i ratnih zarobljenika. On se tereti da prilikom napada na području sela Bukvik, 1992. godine, nije spriječio pripadnika 4. čete 1. bataljona, da izvrši ubistvo tri zarobljene ranjene osobe srpske nacionalnosti, Živana Radića, Vlajku Purića i Savu Veselinović, a nakon što je vojnik kojem je zapovijedao počinio ubojstvo, propustio da kazni počinitelja, te da je 14. septembra 1992. lično ubio ratnog zarobljenika srpske nacionalnosti Janka Maričića, saopćeno je iz Tužiteljstva BiH.

Osumnjičeni Đakić tereti se da je počinio kazneno djelo ratni zločin protiv ratnih zarobljenika.

Tužiteljstvo BiH će u saradnji sa Državnom agencijom za istrage i zaštitu (SIPA), Policijom distrikta i MUP-om RS-a nastaviti dalju istragu u cilju utvrđivanja kaznene odgovornosti za ubistva oko 50 civila srpske nacionalnosti u mjestu Bukvik 1992.